

مکملہ ادبی و سیاسی رسالہ


❁ ادبی و سیاسی رسالہ اسبوعیہ در ❁

۳۱ نجی سنہ

۲۵ ذی القعدہ ۱۳۲۹

❁ پنجشنبہ ❁

جزو عدد : ۱۲۱



چین اختلالی

اسبانی — شکل حاضری

چینگ الگ مهم ایالات مرکزیه سندن اولان (هو - به) و (سه - چه نو) ده بر قاق هفته دنبری ظهور ایش اولان حرکت اختلالیه او یله سریع و منتظم بر صورتده توسیع دائره ایتمکده و اختلالچیلر یکدیگری متعاقب او یله مهم موفقیات الده ایلمکده درکه ، قیام واقعت او یله عادی بر اغتشاشدن عبارت اولوب بالعکس هر دلو ترتیبی بر خبلی زماندن بری احضار و اکمال ایلمکده بولان بیوک بر حرکت اختلالیه پلاننگ موقع تطبیق و اجرایه وضعندن عبارت اولدینی و بر حرکت قیامیه نك قولای قولای باصدیرماسی قابل اوله میه جفی آ کلا شلمقدمه در . بو اختلالک ۱۸۵۶ ده واقع اولان (تا - یینگ) عصبانی ایله ۱۹۰۰ سنه سنده تحدث ایدن (بوقسور) اغتشاشی قدر مهم اولدینی ، حتی اهمیت و ماهیتجه آنلره بیله تفوق ایلدیکی ادعا اولنور . (بوقسور) اغتشاشی ، معلوم اولدینی اوزره ، اوروپانک چین امورینه اک مؤخر مداخله سنی استلزام ایش و اغتشاش مذکوره فیلد — ماره شال (والدیره) نك قومانداسی آلتیده کمی قوای متفق نهایت ویره ییلشدی . فقط اوزمانگی قیام ، صرف چینده بر شمش اولان اجانب علیهنده اولدینی جهتله حکومت معظمه نك حق مداخله لری بدیهی ایدی .

حال بوکه اختلال حاضر ، منحصر آ خاندان قاآنه قارشى اعلان ایش کبی کورنیکندن اگر ، ارباب قیام شمعدی به قدر بایدقلمری وجهله بوندن صکرده اجانبک حیات و سلامت لری تأمین ایدرلر و املاک و اموالنی محافظه دوه دوام ایلرلر ایسه ، اوروپا حکومتانک حرکات واقعه ده تماشا کر موقعنده بولخقله اکتفا ایده جکنه شبهه اولنه ماز . اختلال حاضرک سبب و منشأنه کلجه بونک اک بیوک

سائق و عاملی اولوق اوزره مشهور چین اختلاجیسی (سون - یات - چن) گوسترلمکده در . بو قیام (سون - یات - چن) ک برنجی تشبثی تشکیل الیپور ، چینک الک بیوک فدا کاران ملیسندن معدود اولان بو وطنپور . الیوم اجرای سلطنت ایتمکده اولان (مانچو) خاندانی غاصب تخت اولمقله و چینک کرتار اولدینی بونجه مصائب استیلا و تجاوزک باعث مستقلى بولمقله اهام ایلمکده اولدینی جهتله ، چوقدنبری تعقیب ایلمدیکی یکانه امل و غایه ، بو خاندانی خلع ایله مملکتندن طرد و اخراجدن عبارتدر . و (سون - یات - چن) بومقصدینی قوه دن فعله چیقارمق بولنده شمعی یه قدر ایکی اویچ دفعه ده مملکتده ایقاع اختلال تشبثنده بولمشددر . بو اسبابه مبنی چین ضابطه سی بروقتلر بوجین وطنپورینک احوال و حرکاتی تحت ترصدده بولندیرمنی ، هر زریه کتسه کندیسنی تعقیب ایلمکی ایش ایدمشدی . حتی (سون - یات - چن) ، ۱۸۹۶ سنه سنده لوندرده بولندینی صره ده مملکتک ضابطه سی طرفندن بر پوصویه ده دوشورلمشددر . تعقیبه مأمور ایدیلان ایچی چینلی برکون کندیسنی بالاغفال لوندرده کی چین سفارتخانه سنه صوققه موفق اولدقلرندن اوراده درحال توقیف و حبس اولور . فقط مدت محبوسیتی ائسانده برگومور جوالی درونه وضع ایلمدیکی بر مکتوب ایله انگلیز دوستلرندن برینه کیفیت موقوفیتی اخباره موفق اولور . بونک اوزرینه اووقتکی باش وکیل لورد (سالیسبوری) نک واقع اولان تشبثات شدیدیه سی اوزرینه چین سفارتخانه سی کندیسنک تخلیه سنه مجبور قالیر .

(سون) . یکریمی سنه نی مجاوز بر زماندن بری مملکتده اداره جمهوریت تأسیسی فکر لرینی نشره سعی اولمقله و عین زمانده قملاده بومامله خدمت ایلمکده در . چین حکومتی ده بودشمکنک ازاله و جودی ایچون هر درلو تدایره مراجعتدن خالی قالماقده در . ده اچکلرده کندیسنی میتاً و یاحیاً تسلیم ایدمک اولانلره ایکی یوز الی بیک فرانلق بر مکافاة نقدیه وعد ایدلمشددر . حال بوکه بویارمه طمعاً (سون) . اخانت ایدن بولنامش و اق فداکار و غیور وطنپورده . حکومتک بوکی تشبثانه رغماً تلقیناتنده بی باکانه دوام ایلمشددر .

(سون) ، عن اصل خرسىياندر ؛ يعنى دين عيسوى يى صكرمدن قبول ايلش بولغىبوب اولجه خرسىيان اولمش چينلى ابويندن دنيابه كلشدر . انكلترده بولندينى وقتلر هر بازار منتظماً كليسالره دوام ايدرمش . كنديسى مكمل صورتده طبابت تحصيل ايلش . بو تخصيله صميمى دوستلارندن بولسان انكليز اطبا سندن (جيمس - قانتلى) نك (هونغ - قونغ) ده تاسيس ايلدىكى مكتب طبي ده باشلامش و مكتب مذكوره بتون طب امتحانلارنى كمال موفقيتله كچيره رك ديبولما اخذ ايدن ايلك چينلى بولولمشدر .

(سون) طبعاً غايت ساكن ، ملايم و خاطر نواز اوله رق ، زمانك قسم اعظمى مطالعه كتب ايله امرار ايتكده در . انكليزجه يى برانكليز گهى كمال فصاحتله تكلم ايدر و ر آزده فرانسزجه يى و ژاپون لسانه آشادر . تحصيلى بعدالكمال برمدت (ماقاق) ده ، بعه (قانتون) ده و اندن صكرمه ده (هونولولو) ده اجراى طبابت ايتش و نهايت (ساندوويچ) آطه لرنده اختيار توطن ايلشدر . اليوم زوجسى ايله . اون سكز ياشلارنده اولان اوغلى جزائر مذكوره ده بولغقدمدر .

(سون) ك بولندن اول واقع اولان تشبثات اختلاله سنك عدم موفقيتله نتيجه لخمى هپ اهل قيامك كافى درجده اسلحه و مهمات الله ايدملارندن نشأت ايلشدى . بوگا بناء ، (سون) ك الك بيوك املى حكومتك ترسانه لرندن برى الله ايتك ايدى . بونك ايچون ايكى دفعه (قانتون) ترسانه نى باصوب ضبط ضبط ايلك ايستدى ايسده موفق اوله مدى . بودقه كى اختلالده ايسه ، موفقيات آتیه سنك يكانه مابه الاستحصالى عد ايتدىكى بر ترسانه نى اله كچيره مشدر كه اوده ، قيام حاضر ك مركزى اولان (هان - قه تو) و (وو - چانغ) شهر لريك قريبنده واقع مشهور (هان - يانغ) ترسانه سيدر ۱ . شو حالده (سون) شمديك ايتدىكى قدر اسلحه و مهماتى الله ايتش ديمكدر .

۱۱ (هان - قه تو) ، (هان - يانغ) و (وو - چانغ) يكديكر بته متصل و (يانغ - جه) شهر نك سواحلنده كاش اوچ مهم شهر در .

(هوپه) اياتنك مركزى اولان (هان - قه تو) ۸۰ ، ۰۰۰ نفوسه مالك اولوب چينك اك زياده حائر اهميت بلاد تجاربه سنددر . بو شهر ك ۱۹۱۰ سنه مى طرفنده معاملات

الیوم چینده اجنبی ضابطانی طرفندن تعلیم و تربیه ایدلمش عسکرک مقدری
[۱۸۰,۰۰۰] بالغ اولوب بونک لاقل ثانی (مانجو) خاندان و حکومتیه صادق
بولمقدهدر .

(سون) ایله فرقه‌سینک ذهابه نظر آ چینلیلرک بوکونکی سویه فکریه‌سی
اداره جمهوریت تاسیسنه مساعددر . چونکه (سون) ایالات مختلفه چینک
حکومات متحده آمریقانی تشکیل ایدن حکومتدن ده مستقل بر حالده بولندیغنی
ویکدیگریله و حکومت مرکزیه ایله اولان مناسبات متقابلهلری خصوصنده مثلا
(قانادا) ایله (آسترالیا) نک انکلتزه حکومتی ایله اولان مناسبتلرندن ده زیاده
حاضر سربستی اولدیغنی ادعا ایلکدهدر . ایالت والی‌لری یعنی (ماندارین) لر مرکز
حکومه یالکیز احوال عمومیه‌نی مبین راپورلر و برده یاره کوندرمکله اکتفا
ایدرلر . آنک خارچنده هریالت کندی عسکرینی گندیسی اخذ و جمع ایدر .
فیلسوفی بالذات کندی مصارفیله تهیه و احضار ایدر . بتون ایالاتده انکلیزلرک
(سلف - غووه نومان) دیدکلری شکل مختاریته قریب عدم مرکزیت اصولی
جاریدر .

اداره حکومت، مانجو خاندانک الندن نزع اولندقدن صکره ایسه بایله حق شی
مجلس مبعوثان و مجلس اعباندن متشکل بردار شورای مرکزی وجوده گتیرمکدن
عمومیه تجاریه‌سی ۵۰۰ میلیونه بالغ اولمش ایدی . (هان - قه‌ئو) پکیندن کلن خط کبیر
حدیدینک نقطه منتهای اولدیغنی کچی، (یانغ - چه) نهرندهده، شهرک کاش اولدیغنی محله قدر
بیوک کیلر ایچون سیروسفر قابل بولندیغندن ، بوشهر ، چینک عاتاقلی مثابه‌سندهدر .
(هان - یانغ) ، کلنجه، (هان - قه‌ئو) نک برمحله‌سی حکمنده اولان بوراسیده چینک
(قروپ) ی حکمندهدر . حکومت بوراده درت بیک عمله استخدام ایدر واسع بر چلیک
فابریقه‌سی ، بر دانه مواد مشغله فابریقه‌سی و برق‌چده بیوک دوکخانه و معدنی اعمال‌انخانه‌لر
تاسیس ایشدر .

(وو - چانغ) ایسه ایالتک مرکز ملکیتی حکمندهدرکه بو شهرده (یانغ - چه) نک
دیگر ساحلنده (هان - قه‌ئو) ایله قارشی قارشیه اولوب بورادهده حکومتک خزینه‌سی
و ضربخانه‌سی بولمقدهدر . ایشته اختلالیلرک ضبط ایشکلری بوشهرلرک نه‌قدر بیوک بر
اهیتی حاضر اولدیغنی کورولور . چونکه ارباب قیام بوسایه‌ده اک بیوک اسباب موقتیندن
اولان سلاح، مهمات وپاره‌نی بول بول الدم ایش اولورلر .

عبارتدر . ایسته (سون - یات - چن) ایله طرفدارانی ، بوصورتله وجوده کتیریهل جک بریارلننن ، چینده الوم هر درلو تمایلات و تشبثات اصلا حکارانیهی اختلال و تعویق مقتضای منفعتی اولان (مانچو) خاندان حکمداریسی برینه اداره حکومته وضع بدایتدیکی تقدیرده ، مملکتک داخل بواندینی دوره ترقی و تجمددده ، استعدادیه متناسب بر صورتده مظهر فیض و انکشاف اوله جفته قانع بولمغده درلر . چین احوالی و چینلیلرک فضائل مساعی و غیرتی بیطرفانه حاده تدقیقدن کچیرمش اولاندرده بوفکرک اصابتیه قائل اولیورلر .

الوم اختلال ایدن ایالانده جمهوریت اعلان اولمشدر . فقط عجبا بوجهوریت تأمین موجودیت ایده بیله جکمیدر ؟ چینک بالجله ایالاتی ، (سون) ک امید ایلدیکی وجهله ، تأسیس جمهوریت ایچون عمومیت اعتباریه و دواملی صورتده تشریک مساعی و عقد اتفاق ایلیه بیله جکمیدرلر ؟ واقعا علی العموم چینلیلرک بیانچی و غاصب تحت عد ایتدکاری (مانچو) خاندانه قارشى بغض و عداوت ایله متحسس اولدقلری دوشونیهل جک اولورسه یالکیز بوحسک سوق و الجاسیهل آره لرنده براتحاد حصوله کتیره جکلرینه احتمال ویریه بیلیر . مع مافیه بوبابده آزچوق اساسلی برفکر حاصل ایتمک ایچون وقوعاتک نتایجیه انتظارده بولمق ایجاب ایدر .

